

西南史地文獻

第十六卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第十六卷

甘肅省古籍文獻整理編譯中心
中國西南文獻叢書編輯委員會
編

本輯主編：周 斌

本卷目錄

蜀水經 二 [清] 李元撰 〇〇三

本卷目錄

蜀水經 二〔清〕李元撰……………〇〇三

【清】李元撰

蜀水經

二

〔清〕李元撰，清嘉慶刻本，半葉九行，行二十一字，四周雙邊。

李元，字太初，湖北京山人，乾隆三十六年（公元一七七一年）舉人，歷任四川昭化、仁壽、金堂、南充知縣，卓有政聲。嘉慶二十一年（公元一八一六年）乞病歸。除本書外，作者尚有《渾齋七種》、《蠕範》等書。

酈道元《水經註》『詳於河而略於江』，而此書以四川江河源流考證爲主，可補酈書之闕。

蜀水經卷之九

京山李

瀘水

瀘水謂之金沙江源出吐蕃犁牛山

地理今釋曰源出諾莫渾五巴什山有二源一自阿
六江流出一自烏斯藏流出合流至阿克拉分支一
支南入雲南爲漾備江一支南入塔城關爲麗水李
穆堂曰金沙江發源於西番之阿克達母必拉烏蘓
之拜圖都洪共南行千八百里過裏雍源屯始名金

卷之六

卷之六

沙江又東南行九百里過塔城關至麗江府又南行
四百里至陶營巡檢司又東北行千里至雪山入四
川界又北行千二百里有打冲河來會又東行三百
里至涼水井折而北行七百里又東行四百里至馬
湖府又東行二百里至敘州府楊澤先金沙江考曰
源自達賴喇嘛東北烏捏烏蘓流出譯言乳牛山也
其水名母魯烏蘓東南流入喀木地昔人謂源出吐
蕃後其龍川犁牛石下紆折而南謂之犁牛河犁牛
卽乳牛也又經吐蕃鐵城橋繞老君山漸轉東南經

中甸入雲南塔城關名金沙江入麗江界始東行訛
犁水爲麗水繞巨津寶山二州地曰巴塘曰趙可曰
蒲字力曰降刺普曰石鼓皆江之所經也又自西浪
滄過北浪滄雪山之西趾受麗江鶴慶樣共江諸水
由是歷大巨倖可入永寧府界轉革泥八剎七日入
北勝州界受桑園龍潭諸水自北勝之東經賓川受
大河水經大姚之苴却有三江口其北爲四川會川
衛之紅卜苴地則鹽井衛之打冲河與建昌衛之安
寧河交會於此紅卜苴界內有鮮賓者杉木聚於此

其南爲苴邛拾馬地由此渡白馬扯者車迺資雲龍
王潮乃受蜻蛉弄棟龍蛟左膊諸水過此入武定江
頭村則楚雄之龍川江廣通之羅繩河合黑流井入
元謀納西溪河水至州之腊甸入江又里許至巡檢
司官渡爲滇蜀大道其北岸阿波賒至迤招亦屬武
定界江南岸自官渡下導罵刺母鮮石母猪灘白馬
口受州之龍慶關只苴高橋插甸諸水又歷燦刺則
五曲革受山溪諸水其北岸之竹餅普龍則會川衛
界也受梨溪松平關諸水其南岸越五曲革至普利

則入祿勸沿江五馬地江北受會川衛及通安州姜
州會理州諸水江南渡覺捏至曲卑界撒馬基亦設
有官渡以通獅廠至土色鸚哥嘴受普渡河及補知
他頗小五龍諸水滇境盡此矣普渡河故納滇池之
水也蓋滇水發源邵甸自北而南下盤龍江積爲昆
池倒而西流因名滇水出昆陽石龍壩疊水重重至
青魚塘水勢少緩始折而北流經安寧越羅次富民
至祿勸之大密陀與掌鳩河相合下歷達磯普渡糯
巴天生橋以抵土色而注於江過此渡法戛阿納木

姑爲四川東川府界納迤濯河及大五龍必古壩九
十九渡小江諸水至涼水井設有官渡爲東川達建
昌之道又歷踏照亂得頭峽刺鮮粉壁灘甚駛又歷
驛馬河新灘至虎跳灘陰溝洞天生橋土彝巧家地
其虎跳灘山如峽水多湫洞曰陰溝洞者二山交集
水行山腹中也又歷大小流灘爲蠻夷土司地又歷
黃郎舖貴溪寨業灘至南江口爲烏蒙土府地受嵩
明楊林暨尋甸之車洪江穀壁川齒化溪及東川之
擺河諸水又至文溪鐵索江麻柳灣教化巖爲馬湖

府地受泥溪大汶小汶諸水又歷洩灘蓮花三灘會
溪石角灘至敘州府南城下會錦江岷江羌江大渡
河合流之水越南溪納溪瀘州渝州循瞿塘灩澦白
帝城達荆楚東吳以名長江而朝宗於東海焉提綱
曰金沙江番名烏魯木蘓亦曰母蘓烏素岷江最上
源也出西藏衛地之巴薩通拉木山東麓山形高大
類乳牛卽古犁石山水東北流折而東南又東北流
凡三百餘里其西北一源最遠出巴薩通拉木之西
五百里山曰勒斜爾烏藍達普蘓阿林水曰喀七烏

卷之二

卷之二

蘭木倫東南流屈曲凡九百里東流來會又東北流其南一源出拜都嶺北流曰拜都河自南行三百里來會水勢始盛三源既合東北屈曲流有阿克打木河源出布哈山東北衣克諾木渾烏巴什嶺之忒門他拉二池東北流百餘里衣克水自東北來巴哈水自西來合於阿克打木河西北屈曲又東北流五百餘里入金沙江金沙江北流稍折而西北有托克托乃烏藍木倫水源出勒斜爾山東北四百里之西金烏藍拖羅海山東流屈曲八百餘里入金沙江金沙

江又北百餘里折而東流又東南有波羅必拉水源
出察蘇拉圖山二水西流而合又西北而北流二百
里與烏藍必拉水會烏藍必拉水源出格爾吉匝噶
那之西麓烏藍池池周七十餘里自西流屈曲百餘
里巴圖拉木南自多倫巴士兒嶺來會于烏藍必拉
又北流會格博渾必拉水其水東北自二池南流合
而西南而西百餘里來會於烏藍必拉又西北流會
阿羅必拉又西北五十里郭汝克必拉北來注於烏
藍必拉又西北折而東北流屈曲四百餘里入金沙